

REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

Nr. _____ Prot.

Vlorë, më 28.03.2019

VENDIM

Nr. 16, datë 28.03.2019

PËR

**MIRATIMIN E RREGULLORES PËR ZGJEDHJEN E KËSHILLAVE STUDENTORË NË
UNIVERSITETIN "ISMAIL QEMALI" VLORE**

Në mbështetje të shkronjës **d**, pikës **1**, neni **38** në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", Senati Akademik në mbledhjen e datës 28.03.2019

VENDOSI:

1. Të miratojë Rregulloren për zgjedhjen e këshillave studentorë në Universitetin "Ismael Qemali" Vlorë me ndryshimet si më poshtë vijon:

- a. Neni 4/3 ndryshon si më poshtë:

Përfaqësimi i fakulteteve në Këshillin Studentor të Universitetit "Ismael Qemali", Vlorë do të jetë si më poshtë:

- a) 5 (pesë) anëtarë zgjidhen nga studentët e Fakultetit të Shkencave Humane;
- b) 4 (katër) anëtarë zgjidhen nga studentët e Fakultetit të Ekonomisë;
- c) 4 (katër) anëtarë zgjidhen nga studentët e Fakultetit të Shkencave Teknike;
- d) 4(katër) anëtarë zgjidhen nga studentët e Fakultetit të Shëndetit Publik.

- b. Neni 4/6 ndryshon si më poshtë:

Këshilli Studentor i Fakultetit të Shëndetit Publik përbëhet nga 6 (gjashtë) anëtarë përfaqësues të studentëve:

- a) 3(tre) anëtarë zgjidhen nga studentët e Departamentit të Infermierisë;
- b) 3(tre) anëtarë zgjidhen nga studentët e Departamentit të Kujdesit për Nënë dhe Fëmijën.

2. Teksti i nënshtrohet redaktimit letrar.



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

3. Bashkëlidhur gjendet teksti i rregullores me ndryshimet e miratuara të pasqyruara.

Ky vendim hyn në fuqi menjëherë.

NENKRYETARI I SENATIT AKADEMIK

Prof. As. Elenica Pjero






REPUBLIKA E SHQIPËRISË

**UNIVERSITETI “ISMAIL QEMALI” VLORË
SENATI AKADEMIK**

**RREGULLORE
PËR ZGJEDHJEN E KËSHILLAVE STUDENTORË
NË UNIVERSITETIN “ISMAIL QEMALI” VLORË**

Vlorë, mars 2019



REPUBLIKA E SHQIPËRISË

**UNIVERSITETI "ISMAIL QEMALI" VLORË
SENATI AKADEMIK**

**KREU I
DISPOZITA TË PËRGJITHSHME**

**Neni 1
Objekti i rregullores**

Kjo rregullore përcakton rregullat për përgatitjen, organizimin, zhvillimin, administrimin, mbikëqyrjen dhe shpalljen e rezultateve të zgjedhjeve për Këshillat Studentorë në Universitetin "Ismail Qemali", Vlorë, duke përfshirë:


- kushtet dhe afatet për regjistrimin e kandidatëve, të drejtat dhe detyrimet e tyre;
- dokumentacionin zgjedhor, listat e zgjedhësve, fushatat zgjedhore;
- rregullat për organizimin dhe funksionimin e administratës zgjedhore;
- kriteret për hartimin e listës së zgjedhësve;
- procedurat për votimin, vlerësimin dhe numërimin e votave, shpalljen e rezultateve;
- procedurat për shqyrtimin e ankimimeve.

**Neni 2
Baza ligjore**

Kjo rregullore mbështetet në ligjin nr.80/2015, datë 22.07.2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", nenin 37 të Statutit të Universitetit "Ismail Qemali", Vlorë, nenin 72 të Rregullores së Universitetit "Ismail Qemali", Vlorë.

**Neni 3
Subjekti i rregullores**

1. Kjo rregullore i shtrin efektet e saj për zgjedhjet e Këshillit Studentor të Universitetit "Ismail Qemali", Vlorë dhe këshillave studentore të Fakulteteve të Universitetit "Ismail Qemali", Vlorë.
2. Subjekt i saj janë studentët me kohë të plotë që studiojnë në të gjitha programet e studimit të ofruara nga Universiteti "Ismail Qemali", Vlorë, në ciklin e parë, në ciklit e dytë dhe në ciklin e tretë të studimeve.
3. Çdo student ka të drejtën për të zgjedhur dhe për t'u zgjedhur përfaqësues i studentëve në këshillat studentorë që do të formohen në Universitetin "Ismail Qemali", Vlorë.
4. Këshillat studentorë nuk mund të organizohen me struktura të tjera politike e jopolitike, jashtë Universitetit "Ismail Qemali", Vlorë.




REPUBLIKA E SHQIPËRISË

UNIVERSITETI "ISMAIL QEMALI" VLORË
SENATI AKADEMIK

Neni 4
Parimet e përgjithshme

1. Këshilli Studentor i Universitetit "Ismail Qemali", Vlorë, si dhe këshillat studentore të fakulteteve, zgjidhen në mënyrë periodike çdo dy vjet nga votat e studentëve.
2. Në rastet kur një individ i zgjedhur në këshillat studentore përfundon studimet universitare, ai zëvendësohet nga kandidati pasardhës në renditje për nga numri i votave të grumbulluara në zgjedhjet e fundit, deri në përfundim të mandatit të nisur.
3. Këshilli Studentor i Universitetit "Ismail Qemali", Vlorë (KSUIQV) përbëhet në total nga 17 (shtatëmbëdhjetë) studentë. Këshilli Studentor i Universitetit "Ismail Qemali" Vlorë zgjidhet nga asambleja e studenteve të Universitetit "Ismail Qemali", Vlorë. Për Këshillin Studentor të Universitetit do të votojnë studentët e të gjitha programeve të studimit, në të gjitha ciklet e studimit në të gjithë Universitetin "Ismail Qemali", Vlorë). Përfaqësimi i fakulteteve në Këshillin Studentor të Universitetit "Ismail Qemali", Vlorë do të jetë si më poshtë:
 - e) 5 (pesë) anëtarë zgjidhen nga studentët e Fakultetit të Shkencave Humane;
 - f) 4 (katër) anëtarë zgjidhen nga studentët e Fakultetit të Ekonomisë;
 - g) 4 (katër) anëtarë zgjidhen nga studentët e Fakultetit të Shkencave Teknike;
 - h) 4(katër) anëtarë zgjidhen nga studentët e Fakultetit të Shëndetit Publik.
4. Këshilli Studentor i Fakultetit të Shkencave Humane përbëhet nga 9 (nëntë) anëtarë përfaqësues të studentëve:
 - a) 3 (tre) anëtarë zgjidhen nga studentët e Departamentit të Drejtësisë;
 - b) 3 (tre) anëtarë zgjidhen nga studentët e Departamentit të Edukimit;
 - c) 1 (një) anëtar zgjidhet nga studentët e Departamentit të Gjuhës Shqipe dhe Letërsisë;
 - d) 2 (dy) anëtarë zgjidhen nga studentët e Departamentit të Gjuhëve të Huaja.
5. Këshilli Studentor i Fakultetit të Ekonomisë përbëhet nga 9 (nëntë) anëtarë përfaqësues të studentëve:
 - a) 3(tre) anëtarë zgjidhen nga studentët e Departamentit të Biznesit;
 - b) 3(tre) anëtarë zgjidhen nga studentët e Departamentit të Financës;
 - c) 3(tre) anëtarë zgjidhen nga studentët e Departamentit të Ekonomiksit;
6. Këshilli Studentor i Fakultetit të Shëndetit Publik përbëhet nga 6 (gjashtë) anëtarë përfaqësues të studentëve:
 - a) 3(tre) anëtarë zgjidhen nga studentët e Departamentit të Infermierisë;
 - b) 3(tre) anëtarë zgjidhen nga studentët e Departamentit të Kujdesit për Nënë dhe Fëmijën.
7. Këshilli Studentor i Fakultetit të Shkencave Teknike përbëhet nga 9 (nëntë) anëtarë përfaqësues të studentëve:
 - a) 2 (dy) anëtarë zgjidhet nga studentët e Departamentit të Shkencave Kompjuterike;
 - b) 2 (dy) anëtarë zgjidhet nga studentët e Departamentit të Biologjisë;
 - c) 1 (një) anëtar zgjidhet nga studentët e Departamentit të Matematikës;
 - d) 1 (një) anëtar zgjidhet nga studentët e Departamentit të Fizikës dhe i Kimisë;
 - e) 1 (një) anëtar zgjidhet nga studentët e Departamentit të Shkencave Detare;
 - f) 2 (dy) anëtarë zgjidhen nga studentët e Departamentit të Inxhinierive dhe Teknologjisë;
8. Zgjedhjet zhvillohen me votim të fshehtë sipas përcaktimeve të kësaj Rregulloreje.
9. Çdo student mund të vetëkandidohet për t'u përzgjedhur vetëm në njërin nga këshillat studentorë të parashikuar në këtë Rregullore.



REPUBLIKA E SHQIPËRISË

UNIVERSITETI "ISMAIL QEMALI" VLORË SENATI AKADEMIK

10. Çdo student që kandidon ka të drejtën të organizojë dhe të zhvillojë aktivitete për paraqitjen e programit të tij, duke mos cënuar procesin mësimor.
11. Në rastin kur për anëtar në këshillat studentore të fakulteteve kandidon një student i vetëm për të fituar ai duhet të sigurojë 50% +1 të votuesve që kanë votuar.
12. Çdo kandidat ka të drejtën të ketë vëzhguesit e tij në qendrën e votimit, në qendrën e numërimit si dhe në KIZS ditën e votimit. Lista e vëzhguesve duhet të paraqitet pranë KIZS jo më vonë se 7 ditë para zhvillimit të zgjedhjeve. Vëzhgues mund të jetë vetëm një student me gjendje aktive pranë Universitetit "Ismail Qemali", Vlorë.
13. Për kandidatët që fitojnë numër të barabartë votash, zgjedhja e tyre do të bëhet me short nga Komisioni Institucional Zgjedhor Studentor i Universitetit "Ismail Qemali", Vlorë, në praninë e kandidatëve.

Neni 5 Periudha zgjedhore

1. Zgjedhjet për këshillat studentorë në Universitetin "Ismail Qemali", Vlorë zhvillohen në mënyrë periodike, çdo 2 vjet, njëherësh në të gjithë universitetin.
2. Dita e fillimit të procesit zgjedhor dhe dita e zgjedhjeve caktohet me vendim të Rektorit të Universitetit "Ismail Qemali", Vlorë.
3. Zgjedhjet për Këshillin Studentor të Universitetit "Ismail Qemali", Vlorë dhe për këshillat e fakulteteve do të zhvillohen brenda të njëjtës ditë.
4. Qendrat e votimit hapen në orën 09:00 dhe mbyllen në orën 15:00. Askush nuk mund të votojë pasi komisionet e qendrave të votimit marrin vendim për mbylljen e votimit, pasi janë siguruar për votimin e të gjithë studenteve që janë jashtë qendrës të votimit në pritje për të votuar para orës 15.00.

KREU II PËRGATITJA DHE ADMINISTRIMI I ZGJEDHJEVE

Neni 6 Komisioni Institucional Zgjedhor Studentor i Universitetit "Ismail Qemali", Vlorë (KIZS)

1. Komisioni Institucional Zgjedhor Studentor të Universitetit "Ismail Qemali", Vlorë është organi përgjegjës për organizimin dhe administrimin e procesit zgjedhor për këshillat studentorë të Universitetit "Ismail Qemali", Vlorë.
2. Anëtarët e KIZS kanë mandat 2-vjeçar dhe nuk lejohen të kandidojnë për asnjë pozicion në këshillat studentorë gjatë kësaj periudhe.
3. Senati Akademik zgjedh KIZS nga studentët që kanë vetëkandiduar, më shumicë votash, brenda 5 ditëve nga shpallja e datës të zgjedhjeve. Jo më vonë se 4 ditë pas votimit nga Senati Akademik i Universitetit "Ismail Qemali", Vlorë, KIZS duhet të konstituohet.



REPUBLIKA E SHQIPËRISË


UNIVERSITETI "ISMAIL QEMALI" VLORË
SENATI AKADEMIK

4. Në mbledhjen e parë të tij KIZ zgjedh, me shumicën e thjeshtë të votave të anëtarëve të tij, kryetarin. Mbledhjet thirren nga kryetari ose të paktën nga dy anëtarë. Mbledhja është e vlefshme kur marrin pjesë jo më pak se 2/3 e të gjithë anëtarëve.
5. Vendimet KIZS i merr me shumicë të thjeshtë votash.

Neni 7

Përbërja dhe funksionet e KIZS-së

1. Komisioni Institucional Zgjedhor Studentor në Universitetin "Ismail Qemali", Vlorë përbëhet nga 4 (katër) anëtarë (një përfaqësues për çdo fakultet) dhe një sekretar, të gjithë me të drejtë vote. Në rast se votimi del barazim vendos vota e kryetarit të KIZS.
2. Në mbledhjen e parë KIZS-ja zgjedh kryetarin e saj me votim të fshehtë, me shumicë të thjeshtë votash. Rezultati duhet të publikohet në të gjitha mjediset e Universitetit "Ismail Qemali" Vlorë si dhe në sitin e internetit të Universitetit.
3. KIZS-ja ka këto kompetenca:
 - a) nxjerr udhëzime për organizimin dhe zhvillimin e procesit zgjedhor;
 - b) drejton dhe kontrollon të gjithë procesin zgjedhor;
 - c) përzgjedh me short anëtarët dhe sekretarin e komisioneve zgjedhore studentore të fakulteteve të cilët vetëkandidohen pranë KIZS;
 - d) miraton vulën për KIZS-in, për KZS-in dhe KQV-të e fakulteteve përkatëse, të cilat prodhohen dhe administrohen sipas kuadrit ligjor në fuqi;
 - e) regjistron kandidatet për anëtar të Këshillit Studentor të Universitetit "Ismail Qemali", Vlorë dhe të fakulteteve;
 - f) shpall rezultatin e zgjedhjeve;
 - g) administron, gjykon dhe merr vendim për ankimimet që regjistrohen prej kandidatëve.
4. Mandati i anëtarit të KIZS-it ndërpritet në rastet kur:
 - a) kryen veprimtari në favor të një kandidati;
 - b) jep dorëheqjen nga detyra;
 - c) humbet statusin e studentit;
 - d) dënohet për vepra penale me vendim gjyqësor të formës së prerë;
 - e) me veprimet dhe mosveprimet e tij cënon rëndë veprimtarinë e komisionit dhe procesin zgjedhor;
 - f) mungon, pa shkaqe të arsyeshme, në 3 (tri) mbledhje radhazi.
5. Vendi i mbetur vakant plotësohet brenda 24 orëve nga listat ekzistuese të studentëve që janë vetëkandiduar në votimin e parë.
6. Sekretari i KIZS përgatit materialet për çdo mbledhje dhe mban procesverbalin e mbledhjeve së bashku me protokollin e KIZS-it. Sekretari është përgjegjës për mbajtjen dhe administrimin e gjithë dokumentacionit të KIZS-it.
7. Vendimet e KIZS-it duhet të firmosen nga të gjithë anëtarët. Në rast se një prej anëtarëve është kundër, kjo duhet të paraqitet si shënim në fund të vendimit.



REPUBLIKA E SHQIPËRISË

**UNIVERSITETI "ISMAIL QEMALI" VLORË
SENATI AKADEMIK**

Neni 8


Komisioni i Apelimit Studentor (KAS)

1. KAS përbëhet nga 3 (tre) anëtarë, me mandat 2-vjeçar, të cilët nuk kanë të drejtë të kandidojnë për poste të tjera gjatë mandatit si anëtar të KAS. Ky komision shërben për të ankimuar vendimet e KIZS-it.
2. Senati Akademik zgjedh KAS-in, nga studentët që janë vetëkandiduar, me shumicë votash, brenda 5 ditëve nga shpallja e datës së zgjedhjeve. Jo më vonë se 4 ditë pas votimit nga Senati Akademik i Universitetit "Ismail Qemali", Vlorë, KAS-i duhet të konstituohet.
3. Në mbledhjen e parë të tij KAS-i zgjedh, me shumicën e thjeshtë të votave të anëtarëve të tij, kryetarin. Mbledhjet thirren nga kryetari. Mbledhja është e vlefshme kur marrin pjesë jo më pak se 2 (dy) anëtarë.
4. Vendimet KAS i merr me shumicë të thjeshtë votash.
5. KAS-i ka këto kompetenca:
 - a) shqyrton dhe merr vendim të arsyetuar, në të cilin përfshihen dhe mendimet "kundër", për çdo ankim për vendime të marra prej KIZS-it;
 - b) administron, gjykon dhe merr vendim për ankimimet që regjistrohen prej kandidatëve;
 - c) dërgon për dijeni në KIZS vendimet e marra për ankesat që janë paraqitur pranë tij.
6. Vendimi i KAS-it është i formës së prerë, përfundimtar dhe i detyrueshëm për t'u zbatuar.
7. Mandati i anëtarit të KAS-it ndërpritet në rastet kur:
 - a) kryen veprimtari në favor të një kandidati;
 - b) jep dorëheqjen nga detyra;
 - c) humbet statusin e studentit;
 - d) dënohet për vepra penale me vendim gjyqësor të formës së prerë;
 - e) me veprimet dhe mosveprimet e tij çënon rëndë veprimtarinë e komisionit dhe procesin zgjedhor;
 - f) mungon, pa shkaqe të arsyeshme, në 3(tri) mbledhje radhazi.
8. Vendi i mbetur vakant plotësohet brenda 24 orëve nga listat ekzistuese të studentëve që janë vetëkandiduar në votimin e parë.

Neni 9

Komisionet Zgjedhore Studentore (KZS)

1. Vendimi për ngritjen e KZS-ve merret jo më vonë se 5 ditë nga konstituimi i KIZS-it.
2. Anëtarët e KZS-ve nuk kanë të drejtë të kandidojnë për asnjë post tjetër. Ata zgjidhen me votim të fshehtë nga KIZS-ja në bazë të kërkesave për vetëkandidim të paraqitura prej studentëve.
3. KZS-ja përbëhet nga 5 (pesë) anëtarë, të cilët me votim të hapur zgjedhin kryetarin dhe sekretarin e KZS-së me shumicë të thjeshtë.
4. Sekretari i KZS-së përgatit materialet për çdo mbledhje dhe mban procesverbalin e mbledhjeve së bashku me protokollin e KIZS-it. Sekretari është përgjegjës për mbajtjen dhe administrimin e gjithë dokumentacionit të KIZS-it.
5. Vendimet e KZS-së duhet të firmosen nga të gjithë anëtarët. Në rast se një prej anëtarëve është kundër, kjo duhet të paraqitet si shënim në fund të vendimit.
6. KZS-të kanë këto kompetenca:



REPUBLIKA E SHQIPËRISË

**UNIVERSITETI "ISMAIL QEMALI" VLORË
SENATI AKADEMIK**

- a) përgjigjen për administrimin dhe zhvillimin e procedurave të votimit për trupën zgjedhore të fakultetit përkatës;
 - b) pas përfundimit të procesit të votimit, marrin në dorëzim kutitë e votimit bashkë me materialet zgjedhore të KQV-ve përkatëse dhe, më pas, fillojnë procesin e numërimit të votave, rezultatin e të cilave e pasqyrojnë në procesverbalet përkatëse.
 - c) shpallin me vendim rezultatet e votimeve për këshillin studentor të fakultetit përkatës.
7. Mandati i anëtarit të KAS-it ndërpritet në rastet kur:
- a) kryen veprimtari në favor të një kandidati;
 - b) jep dorëheqjen ngadetyra;
 - c) humbet statusin e studentit;
 - d) dënohet për vepra penale me vendim gjyqësor të formës së prerë;
 - e) me veprimet dhe mosveprimet e tij çënon rëndë veprimtarinë e komisionit dhe procesin zgjedhor;
 - f) mungon, pa shkaqe të arsyeshme, në 3 (tri) mbledhje radhazi.
8. Vendi i mbetur vakant plotësohet brenda 24 orëve nga listat ekzistuese të studentëve që janë vetëkandiduar më parë.

Neni 10

Komisionet e qendrave të votimit (KQV)

1. Vendimi për ngritjen e KQV-ve merret nga KZS jo më vonë se 3 ditë nga konstituimi i saj, duke përcaktuar kryetarin dhe sekretarin e KQV-së.
2. Anëtarët e KQV-ve nuk kanë të drejtë të kandidojnë për asnjë post tjetër. Ata zgjidhen me votim të fshehtë në bazë të kërkesave për vetëkandidim të paraqitura prej studentëve.
3. KQV-ja përbëhet nga 3 (tre) anëtarë.
4. KQV-të kanë këto kompetenca:
 - a) përgjigjen për administrimin dhe zhvillimin e procedurave të votimit për trupën zgjedhore të qendrës përkatës;
 - b) pas përfundimit të procesit të votimit, i dërgojnë kutitë e votimit pranë KZS-së së fakultetit përkatës.

Neni 11

Shpërndarja e komisioneve të qendrave të votimit të fakulteteve

1. Në Fakultetin e Shkencave Humane do të ketë 4 (katër) KQV.
2. Në Fakultetin e Shkencave Teknike do të ketë 2 (dy) KQV.
3. Në Fakultetin e Ekonomisë do të ketë 4 (katër) KQV.
4. Në Fakultetin e Shëndetit Publik do të ketë 2 (dy) KQV.



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

**Neni 12
Qendrat e votimit**

Në të gjitha qendrat e votimit votohet për të gjithë anëtarët e këshillave studentorë të Universitetit "Ismail Qemali", Vlorë.

**KREU III
ZGJEDHËSIT DHE LISTA E ZGJEDHËSVE**

**Neni 13
Zgjedhësit dhe përgatitja e listës së zgjedhësve**

1. Organi përgjegjës për hartimin e listës së zgjedhësve është sekretaria mësimore e fakultetit përkatës, duke ndarë më vetë listat sipas secilit program studimi.
2. Procedura për hartimin e listës së zgjedhësve është si më poshtë vijon:
 - a) Lista paraprake e studentëve hartohet nga sekretaria mësimore jo më vonë se 3(tri) ditë nga shpallja e ditës së zgjedhjeve.
 - b) Lista paraprake afishohet në mjediset e fakulteteve përkatëse.
 - c) Gjatë një periudhe deri në 5(pesë) ditë nga shpallja e listës paraprake, sekretaria mësimore pranon kërkesat për korrigjime.
 - d) Pas verifikimit të kërkesës, sekretaria mësimore realizon korrigjimin e kërkuar brenda 24 orëve.
 - e) Pas përfundimit të afatit për korrigjimin e listës, sekretaria mësimore përfundimtare, e cila miratohet nga dekani i fakultetit përkatës.
6. Lista e zgjedhësve afishohet në mjediset e fakultetit përkatës dhe një kopje e listës i dërgohet KIZS-it. Lista e miratuar duhet të jetë e firmosur në çdo faqe nga dekani dhe e vulosur me vulën e fakultetit përkatës.

**KREU IV
REGJISTRIMI I KANDIDATËVE PËR ANËTAR TË KËSHILLIT STUDENTOR TË
FAKULTETIT DHE FUSHATA ZGJEDHORE**

**Neni 14
Afati i regjistrimit të kandidatëve**

1. Procesi për regjistrimin e kandidatëve bëhet nga KIZS. Data për regjistrimin e kandidatëve është nga dita e shtatë e konstituimit të KIZS-it dhe zgjat 10 (dhjetë) ditë kalendarike.



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

Neni 15

Dokumentacioni për kandidim

1. Dokumentacioni për kandidim nga kandidatët dorëzohet në KIZS dhe përmban:
 - a) kërkesën për kandidim dhe pozicionin e kërkuar;
 - b) fotokopjen e dokumentit të identifikimit;
 - c) vërtetimin që provon se është student me kohë të plotë pranë fakultetit përkatës;
 - d) listën me studentë që e përkrahin për kandidim, që duhet të jetë jo më pak se 30 (tridhjetë) studentë.
2. Pas verifikimit të dokumentacionit, KIZS-ja, jomë vonë se 24 (njëzetekatër) orë nga përfundimi i afatit të paraqitjes së kërkesave për kandidim, miraton listat e kandidatëve. Listat përcillen në komisionet zgjedhore studentore të fakulteteve dhe shpallen publikisht në mjediset e fakultetit përkatës.

Neni 16

Kohëzgjatja e mandateve

Anetarët e Këshillit Studentor të Universitetit "Ismail Qemali", Vlorë si dhe anëtarët e këshillave studentore të fakulteteve zgjidhen për një mandat 2-vjeçar.

Neni 17

Fushata zgjedhore

1. Fushata zgjedhore fillon një ditë pas shpalljes së kandidatëve të regjistruar.
2. Fushata zgjedhore përfundon 24 orë para ditës të zgjedhjes. Në ditën para ditës së zgjedhjeve dhe ditën e zgjedhjeve nuk lejohet asnjë lloj fushate zgjedhore.
3. Administratori dhe dekanët e fakulteteve të Universitetit "Ismail Qemali", Vlorë krijojnë kushte të përshtatshme dhe të barabarta për të gjithë kandidatët për të zhvilluar aktivitetin e tyre në kuadër të fushatës elektorale.


KREUV

PËRGATITJA E INFRASTRUKTURËS DHE E DOKUMENTACIONIT PËR ZGJEDHJET

Neni 18

Vendndodhja e komisioneve zgjedhore dhe vendeve të numërimit të votimeve

1. Vendndodhja e komisioneve zgjedhore përcaktohet sipas rregullit të mëposhtëm:
 - a) Selia e KIZS-it dhe KAS-it vendoset në godinën e Rektoratit të UV-së.
 - b) Selitë e KZS-ve dhe KQV-ve vendosen në godinat përkatëse të fakulteteve të UV-së, të cilat shërbejnë edhe si vende të votimit dhe numërimit të votave



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

Neni 19

Komisionet për vlerësimin dhe numërimin e votave

1. Votat vlerësohen dhe numërohen prej KZS-ve të fakulteteve përkatëse.
2. KZS-të e fakulteteve përkatëse të UV-së, pas numërimit të votave, plotësojnë tabelën zgjedhore dhe ia përcjellin atë KIZS-së.
3. KIZS-ja shpall rezultatet e zgjedhjeve sipas përcaktimeve në këtë rregullore dhe pas kalimit të afateve për ankimimin, shpall fituesit e zgjedhjeve.

Neni 20

Përgatitja e dokumentacionit zgjedhor

1. Sasia e fletëve të votimit është barabartë me numrin e zgjedhësve sipas listave përkatëse, plus 1% e tyre.
2. Forma e fletës së votimit përgatitet prej KIZS-së.
3. Fletët për anëtarë të këshillit studentor të fakultetit përkatës të UV-së kanë ngjyra të ndryshme nga fleta e votimit për çdo fakultet.
4. Fleta duhet të jetë me specifika të tilla që të mos lejojnë manipulimin e tyre, prej letre format A4, me ngjyrë dhe trashësi që të mos lejojë leximin e votës në pjesën e pasme të saj.
5. Fletët e votimit përmbajnë informacionet e mëposhtme:
 - a) Në to vendosen emrat e kandidatëve për anëtarë të këshillit studentor të fakultetit përkatës të UV-së.
 - b) Të gjitha fletët e votimit vulosen me vulën e KIZS-së përpara se të dërgohen në KZS-të e fakulteteve.

Neni 21

Dërgimi i materialeve zgjedhore nga KIZS-ja në KZS-të e fakulteteve të UV-së

1. Një ditë përpara datës së zgjedhjeve, KIZS-ja dërgon në KZS-të e fakulteteve të UV-së kutinë me materialet zgjedhore, si më poshtë vijon:
 - a) fletët e votimit të vulosura me vulën e KIZS-it në përputhje me numrin e votuesve +1%;
 - b) listën e zgjedhësve;
 - c) vulën e KZS-it dhe vulat e KQV-ve të secilit fakultet;
 - d) procesverbalet e qendrës së votimit, ku bëjnë pjesë procesverbalet për vulosjen e kutive të votimit, hapjen e qendrës së votimit, pezullimin e votimit, si dhe mbylljen e votimit;
 - e) zarfin në të cilin është shënuar "Fletë votimi të dëmtuara";
 - f) zarfin në të cilin është shënuar "Fletë votimi të papërdorura";
 - g) zarfin në të cilin është shënuar "Zarfi i procesverbalit të vulosjes";



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

2. Përveç kutisë me materialet zgjedhore, në KZS dërgohen edhe kutitë e votimit, tabelat për rezultatin e zgjedhjeve, dhoma të fshehta dhe vulat me kodet e sigurisë.
3. KZS-ja shpërndan bazën materiale të nevojshme për zhvillimin e votimit në KQV-të e ngritura në fakultetin përkatës. Ky proces bëhet ditën e zgjedhjeve, përpara fillimit të procesit të votimit, si dhe pasqyrohet në procesverbalin përkatës.

**KREU VI
VOTIMI**

Neni 22

Veprimet paraprake për hapjen e qendrës së votimit

1. Në çdo qendër votimi votohet në një kuti votimi, kutia e votimit për anëtarët e këshillit studentor të fakultetit përkatës të UV-së, të cilat janë të dallueshme nga njëra-tjetra.
2. KZS-të dhe KQV-të, nën drejtimin e kryetarit, një orë përpara hapjes së qendrës së votimit, kryejnë këto detyra:
 - a) vendosin tryezat, karriget, dhomat e fshehta dhe kutitë e votimit, në menyrë të tillë që të sigurohet fshehtësia e votimit, si edhe lëvizja e shpejtë dhe e lirshme e zgjedhësve;
 - b) afishojnë udhëzimet për kryerjen e votimit në një vend të përshtatshëm dhe të dukshëm brenda qendrës së votimit;
 - c) kontrollojnë të gjitha materialet e marra në dorëzim;
 - d) u tregojnë të pranishmëve kutitë e votimit të zbrazëta;
 - e) mbyllin kutitë e votimit dhe i shkruajnë këto kode në procesverbalin e vulosjes së kutive të votimit dhe në librin e protokollit të mbledhjeve, i cili nënshkruhet nga të gjithë anëtarët e KQV-së.
3. Procesverbali mbyllet në zarfin ku është shkruar "Zarfi i procesverbalit të vulosjes", i cili futet në kutinë e votimit. Anëtarët e KZS-ve dhe KQV-ve marrin vendim për hapjen e votimit dhe e nënshkruajnë atë.

Neni 23

Procedurat e votimit

1. Votimi për anëtarë të këshillit studentor të fakultetit bëhet në të njëjtën ditë, në datën e caktuar nga dekani i fakultetit përkatës të UV-së. Pas kryerjes së detyrave të përcaktuara në këtë rregullore, kryetari i KZS-it dhe KQV-së deklaron hapjen e votimit, por jo më vonë se ora 09:00.
2. Fletët e votimit janë të vulosura në pjesën e pasme, në vendin e caktuar, me vulën e KZS-it. Zgjedhësit qëndrojnë në radhë jashtë qendrës së votimit dhe futen njëri pas tjetrit në qendrën e



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

votimit për të votuar, me thirrjen e një anëtarë të komisionit. Pasi zgjedhësi hyn në qendrën e votimit:

a) thotë emrin e tij dhe paraqet para komisionit një nga dokumentet zyrtare të vlefshme të identifikimit:

-letërnjoftim ID;

-pasaportë.

b) kryetari, pasi verifikon se të dhënat e identitetit të zgjedhësit përputhen me të dhënat në listën e zgjedhësve dhe se zgjedhësi është i njëjtë me personin në dokumentin e identitetit, shënon në listën e zgjedhësve llojin dhe numrin e serisë së dokumentit të identitetit dhe i heq vizë emrit të zgjedhësit në këtë listë;

c) nënshkruan në listën e zgjedhësve anash emrit të tij;

d) kryetari vulos fletën e votimit me vulën e KZS-së/KQV-së dhe ia jep zgjedhësit,

e) pasi merr fletën e votimit, zgjedhësi hyn në dhomën e fshehtë dhe në krah të emrit të kandidatit shënon "X ose "+", ose çdo shenjë tjetër brenda kuadratisë të përcaktuar për shënim nga ana e zgjedhësit;

f) pasi bën shënimin në fletën e votimit, zgjedhësi palos fletët në mënyrë që shenja të mos jetë e dukshme, del nga dhoma e fshehtë, e hedh fletën në kutinë përkatëse të votimit dhe largohet nga qendra e votimit.

3. Qendra e votimit organizohet në një mënyrë të tillë që të lehtësojë procesin e votimit dhe të garantojë plotësisht fshehtësinë e votës.

4. Në qendrën e votimit është i ndaluar përdorimi i mjeteve të komunikimit apo regjistrimit nga ana e votuesit.

5. Në qendrën e votimit mund të qëndrojnë vetëm:

a) anëtarët e KZS-ve ose KQV-ve dhe vëzhguesit e miratuar nga KIZS-ja për llogari të kandidatëve;


b) zgjedhësit që janë duke kryer procedurat e votimit, deri në përfundim të tyre.

**Neni 24
Mbyllja e votimit**

1. Qendrat e votimit mbyllen në orën 15:00. Nëse edhe pas kalimit të këtij orari ka zgjedhës që presin në radhë, komisioni mbledh dokumentet e identifikimit të të gjithë zgjedhësve të pranishëm dhe i thërret ata me radhë për të kryer votimin.

2. Asnjë zgjedhës tjetër nuk do të lejohet të votojë nëse nuk ka qenë në radhë në kohën e mbledhjes së dokumentit të identifikimit. Pasi voton edhe zgjedhësi i fundit i pranishëm, komisioni merr vendim për mbylljen e votimit, duke plotësuar formularin përkatës, ku shënohet edhe ora e mbylljes së votimit. Pas kësaj, në qendrën e votimit mund të qëndrojnë vetëm anëtarët e komisionit.

Neni 25



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**


Veprimet pas mbylljes së qendrës së votimit

1. Pas marrjes së vendimit për mbylljen e votimit, kryetari, në praninë e anëtarëve të komisionit kryen, sipas radhës, veprimet e mëposhtme:
 - a) shënon numrin e zgjedhësve që kanë votuar, duke numëruar nënshkrimet e bëra në listën përkatëse të zgjedhësve, të cilët kanë votuar sipas kushteve të parashikuara në këtë rregullore.
 - b) u deklaron shifrat me zë të lartë anëtarëve të tjerët e komisionit;
 - c) i fton ata të verifikojnë shifrat e thëna prej tij.
2. Në rast kundërshtimesh për përcaktimin e shifrës, pretendimet shënohen në procesverbal.
3. Kryetari, nën vëzhgimin e të gjithë anëtarëve të komisionit, i numëron fletët e votimit të dëmtuara që gjenden në zarfin "Fletëvotimi të dëmtuara" për secilën kategori. Numri i fletëve të votimit të dëmtuara pasqyrohet në procesverbalin për "Mbylljen e votimit".
4. Kryetari, nën vëzhgimin e të gjithë anëtarëve të komisionit numëron edhe fletët e papërdorura dhe i vendos ato në zarfin përkatës. Numri i fletëve të votimit të papërdorura pasqyrohet në procesverbalin për "Mbylljen e votimit".
5. Kryetari i KQV-së, bashkë me anëtarët e tjerë të komisionit, dorëzojnë në KZS-në e fakultetit përkatës kutitë e votimit bashkë me materialet zgjedhore të qendrës së votimit.
6. Procesi vijues i vlerësimit, numërimit dhe nxjerrjes së rezultatit për zgjedhjet e këshillit studentor të fakultetit kryhet nga KZS-të përkatëse dhe vazhdon pa ndërprerje deri në nxjerrjen e rezultatit përfundimtar për fakultetin përkatës.

Neni 26

Vlerësimi, numërimi i votave dhe nxjerrja e rezultatit për zgjedhjet e këshillave studentore të fakulteteve të UV-së

1. Procesi i vlerësimit, numërimit dhe nxjerrjes së rezultatit për zgjedhjet e këshillit studentor të fakultetit kryhet nga KZS-të përkatëse dhe vazhdon pa ndërprerje deri në nxjerrjen e rezultatit përfundimtar për fakultetin përkatës.
2. Kryetari i KZS-së nxjerr nga kutia e votimit fletët e votimit, i shpalos dhe i vendos mbi tryezë, me pjesën e pasme të fletës nga ana e sipërme. Pas kësaj, ai:
 - a) vlerëson të gjitha votat e gjetura në kuti, duke ia treguar të gjithë anëtarëve të KZS-së. Votat e pavlefshme ndahen në një grup të veçantë;
 - b) numëron votat e vlefshme dhe votat e pavlefshme. Numri i tyre, së bashku me numrin e përgjithshëm të votave të gjetura në kuti shënohen në procesverbal;
 - c) verifikon numrin e përgjithshëm të votave të gjetura në kuti me numrin e votave që duhet të gjenden në kuti, në bazë të të dhënave të procesverbalit të hartuar më parë të KQV-ve ose KZS-së përkatëse, sipas përcaktimeve të kësaj rregulloreje, për numrin e përgjithshëm të fletëve të votimit, fletëve të votimit të papërdorura dhe fletëve të votimit të dëmtuara. Rezultati shënohet në procesverbal.
 - d) harton tabelën përfundimtare për kutinë përkatëse dhe e miraton me vendim.
4. Pas përfundimit të vlerësimit dhe numërimit të votave, KZS-ja harton tabelën përfundimtare të rezultatit të votimit sipas numrit të votave.



REPUBLIKA E SHQIPËRISË

**UNIVERSITETI "ISMAIL QEMALI" VLORE
SENATI AKADEMIK**

5. Tabela përfundimtare dhe vendimi përkatës i KZS-së, si edhe të gjitha procesverbalet e tjera nënshkruhen nga të gjithë anëtarët dhe kryetari, duke deklaruar votën "pro" ose "kundër".
6. Kopje e tabelës përfundimtare të rezultatit të votimit u jepet, sipas kërkesës, kandidatëve.
7. Çdo kontestim apo vërejtje e kandidatëve shënohet detyrimisht në procesverbal nga sekretari i KZS-së.
8. Në përfundim të procesit të vlerësimit dhe numërimit të votave, në prani të KZS-së dhe/ose kandidatëve të pranishëm:
 - a) futen dhe administrohen në kutinë e votimit fletët e votimit të numëruara të vlefshme dhe të pavlefshme;
 - b) futet dhe administrohet në kutinë e materialeve zgjedhore zarfi "Fletëvotimi të papërdorura";
 - c) futet dhe administrohet në kutinë e materialeve zgjedhore zarfi "Fletëvotimi të dëmtuara";
 - d) futet dhe administrohet në kutinë e materialeve zgjedhore procesverbalin për numrin e fletëve të votimit gjithsej, numrin e fletëve të papërdorura dhe numrin e fletëve të dëmtuara, si edhe tabela përfundimtare të rezultatit të votimit për KZS-në përkatëse.
9. Kryetari i KZS-së mbyll kutitë e votimit dhe shënon në procesverbal elementet e sigurisë (kodet) për mbylljen e këtyre kutive.
10. Dorëzimi i materialeve zgjedhore dhe i kutive të votimit në KIZS bëhet nga kryetari i KZS-it, me procesverbal, në prani të anëtarëve të KZS-së përkatëse dhe/ose kandidatëve, menjëherë pas përfundimit të proceseve të përshkruara në këtë rregullore.

Neni 27


Shpallja e rezultatit paraprak të zgjedhjeve për Këshillin Studentor të UV-së

1. Pas përfundimit të vlerësimit dhe numërimit të votave, nxjerrjes së rezultatit të votimit nga të gjithë KZS-të dhe dërgimit të tyre në KIZS, ky i fundit, brenda 24 orëve, harton tabelën e rezultateve të votimit dhe shpall me vendim të veçantë, rezultatet e zgjedhjeve për anëtarët dhe kryetarin e këshillit studentor të fakultetit përkatës të UV-së.
2. Tabela e rezultateve zgjedhore dhe vendimi i KIZS-it nënshkruhen nga të gjithë anëtarët.
3. Kopje e tabelës përfundimtare të rezultatit të zgjedhjeve u jepet, sipas kërkesës, kandidatëve.

Neni 28

Ankimimet

1. Kundër vendimeve të KIZS-it për shpalljen e tabelave përfundimtare të rezultatit të zgjedhjeve, ankimimi bëhet nga kandidatët në KIZS jo më vonë se 2 (dy) ditë kalendarike nga data e shpalljes së tyre. Për efekt të llogaritjes së afatit, periudha 2-ditore fillon në orën 16:00 të ditës së shpalljes së aktit për të cilin bëhet ankimimi dhe përfundon në orën 16:00, pas dy ditëve kalendarike. KIZS-ja administron dhe merr vendime për ankimimet jo më vonë se 48 orë pas paraqitjes së tyre.
2. Kundër vendimeve të KIZS-it për ankesat e kandidatëve për rezultatin e zgjedhjeve, apelimi i vendimit bëhet nga kandidatët në Komisionin e Apelimt Studentor (KAS) jo më vonë se 2 (dy) ditë kalendarike nga data e marrjes së vendimit. Për efekt të llogaritjes së afatit, periudha



REPUBLIKA E SHQIPËRISË

UNIVERSITETI "ISMAIL QEMALI" VLORE
SENATI AKADEMIK

2-ditore fillon në orën 16:00 të ditës së shpalljes së aktit për të cilin bëhet ankimimi dhe përfundon në orën 16:00, pas 2 (dy) ditëve kalendarike.

3. Me përfundimin e procesit të shqyrtimit të ankimimeve të dërguara nga Komisioni i Apelit Studentor, KIZS-ja shpall, me vendim të veçantë, rezultatet përfundimtare të zgjedhjeve. Data e thirrjes së mbledhjes së parë të këshillave studentore të fakulteteve të UV-së caktohet nga kryetari i KIZS-it. Kjo datë shënon edhe fillimin e punës së këshillit studentor të fakultetit.

Neni 29

Zgjedhja e kryetarit të Këshillit Studentor të UV-së dhe Fakultetit

1. Pas përfundimit të afateve të apelit, organizohet mbledhja e parë e Këshillit Studentor të UV-së, e cila thirret nga KIZS-ja jo më vonë se dy javë nga ky afat. Në këtë mbledhje marrin pjesë të gjithë anëtarët e këshillave studentore të fakulteteve të UV-së, të shpallur fitues nga zgjedhjet e zhvilluara. Në këtë mbledhje bëhet konstituimi dhe, më pas, caktohet data e mbledhjes së dytë në të cilën zgjidhet kryetari i KSUIQV-së. Në këtë mbledhje, ata, bashkë me të gjithë anëtarët e këshillave studentorë të fakulteteve të UV-së, zgjedhin mes tyre me votim të fshehtë kryetarin e Këshillit Studentor të UV-së, i cili vetëkandidohet ose propozohet nga anëtarët e këshillave studentorë të fakulteteve të UV-së. Mandati i kryetarit të KSUIQV-së është 2-vjeçar.
2. Anëtari i këshillit studentor të fakultetit, i zgjedhur në postin e kryetarit të Këshillit Studentor të UV-së, mban dhe postin e mëparshëm.
3. Sekretari i këshillave studentorë të UV/Fakultetit zgjidhet një nga anëtarët e këshillit përkatës, i cili vetëkandidohet ose propozohet nga anëtarët e këshillave studentorë të fakulteteve të UV-së. Mandati i sekretarit është 2-vjeçar.
4. E njëjta procedurë zbatohet edhe për zgjedhjen e Kryetarit të Këshillit Studentor të Fakulteteve.
5. Selia ku do të bëhet mbledhja e Këshillit Studentor të UV caktohet nga Rektori, ndërsa e fakulteteve e vendos dekan i jo më vonë se 2 ditë pasi është caktuar data e mbledhjes së parë.

Neni 30

Pavlefshmëria e zgjedhjeve

1. KIZS-ja, kryesisht ose me kërkesë të kandidatëve, i shpall zgjedhjet të pavlefshme në një ose më shumë qendra votimi, në rast se:
 - a) kanë ndodhur shkelje të ligjit;
 - b) mund të jetë cënuar procesi zgjedhor në një masë të tillë që mund të ketë ndikuar në fitimin e mandateve;
 - c) kanë ndodhur fatkeqësi natyrore në përmasa të tilla që kanë penguar pjesëmarrjen e zgjedhësve në votim.
2. Kërkesën për pavlefshmëri të zgjedhjeve kërkuar duhet ta shoqërojë me shpjegimin për arsyet ligjore ku mbështetet kërkesa, përshkrimin e shkeljeve të pretenduara dhe arsyetimin e detajuar të



REPUBLIKA E SHQIPËRISË

UNIVERSITETI "ISMAIL QEMALI" VLORE
SENATI AKADEMIK

tyre për pasojat që kanë prodhuar. Shqyrtimi i kërkesës për pavlefshmëri të zgjedhjeve dhe vendimmarrja për kërkesën bëhet nga KIZS-ja, jo më vonë se 2 (dy) ditë kalendarike nga depozitimi i saj.

Neni 31
Dispozita të fundit

1. I gjithë dokumentacioni zgjedhor ruhet në arkivën e KSUIQV-së, në bazë të rregullave të përcaktuara në kuadrin ligjor për administrimin, ruajtjen dhe arkivimin e dokumentacionit.
2. Në rast të mbarimit të parakohshërn të mandatit të kryetarit ose anëtarëve të KSUIQV-së apo këshillave studentore të fakulteteve të UV-së, ata zëvendësohen nga kandidatët pasardhës në renditje për nga numri i votave të grumbulluara në zgjedhje, deri në përfundim të mandatit të nisur.
3. Të drejtën e interpretimit të kësaj rregulloreje e ka Komisioni Institucional Zgjedhor i UV-së, i cili mund të ofrojë mbështetje përgjatë të gjithë procesit zgjedhor.
4. Të gjitha shpenzimet për procesin zgjedhor për Këshillin Studentor të UV-së do të mbulohen nga buxheti i UV-së.
5. Kjo rregullore është e detyrueshme për t'u zbatuar si e tillë nga të gjitha strukturat studentore të UV-së dhe hyn në fuqi menjëherë.

KRYETARI I SENATIT AKADEMIK
Prof. Dr. Roland ZISI

